




G. C. Dibrad.  
Thesis de lege Dei.  
Mayn., 1690.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 550 4°









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 550 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 550 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 550 4°



4. - 15.

DA BOX

LN 550

M





THESES  
DE  
LEGE DEI,  
DE QVIBVS, DEO  
VOLENTE, DISPV-  
tabitur ; o. Aprilis.

à  
GEORGIO C. DIBVADIO.

Respondente.  
Georgio Iacobi.



HAFNIÆ  
Typis Henrici Waldkirchii.  
M. DC.





## I.

**P**Lura sunt, quæ Ecclesiæ conseruationi, dum hanc fluxam vitam agit, & à Domino peregrinatur, inseruiunt, & vsum necessarium præstant.

## II.

Inter hæc, vt primum locum tenet doctrina, ita de ea prima nostra erit disquisitio, & ita quidem, vt à legis doctrina auspicemur.

## III.

Sed quia latè patet hoc argumentum, & plura complectitur, quàm vt totū, hoc tempore, tradi possit, aditum nobis, ad Decalogi expositionem, nunc parabimus, inuocato legum authore DEO, vt is nos, Spiritu suo, semper dirigat, in via veritatis & iustitiæ, per Christum Dominum nostrum. Et præfationis loco, de his tribus dicemus, 1. Quæ sint partes legis diuinæ. 2. Qui sit vsus. 3. Quomodo abrogata sit lex per Messiam.

## IV.

Definiri quidem lex in genere potest, siue à ligando, siue à legendo, siue etiam à deligendo sic dicta sit, quod sit sententia, qua vel præcipiatur, vel prohibeatur aliquid, addita promissione præmij, si præstetur obedientia, aut comminatione poenæ, si violetur. Vel, vt est apud Cic. quod sit ratio summa in natura insita, quæ iubeat facienda, prohibeatq; contraria: seu, recti præceptio, prauiq; depulsio.

Sed





## V.

Sed nostrum consilium est, de lege diuina, quæ propriè sic dicitur, agere, tres eius constituentes partes, quæ sunt Moralis seu Decalogus, Cere-  
monialis seu Ecclesiastica, iudicialis seu forensis  
vel politica.

## VI.

Lex moralis est doctrina, congruens cum æterna & immota sapientia, & regula iustitiæ in Deo, præcipiens quales nos esse, quæ facere, & quæ omit-  
tere oporteat, insita naturis rationalibus, in creati-  
one, & postea sæpè repetita & declarata, voce diui-  
na, in scriptis Prophetis & Apostolicis, cum obli-  
gatione ad perfectam obedientiam & conformita-  
tem cum Deo, qui vt promittit felicitatem & vitam  
præstantibus obedientiam, ita ab ea deficientibus  
minatur mortem & quæuis mala, nisi fiat remissio  
propter mediatorem.

## VII.

Idèò dicimus æternam esse hanc legem, quia  
semper cum Deo fuit, & in Angelis, qui non sunt  
lapsi, & in sanctis hominibus, qui spiritu Dei refor-  
mantur, perpetuò vigeat.

## VIII.

Et si enim peculiare quædam actiones, quæ  
legibus Decalogi sancuntur, in altera vita non v-  
surpabuntur, tamen vigeat genus, & vim obligandi  
perpetuò retineat. Finem quidem habebit mi-  
nisterium verbi, sed celebratio Dei non intercidet.  
Cessabit coniugii vsus, sed castitas non interibit.

## IX.

Nec est hæc lex, quæ moralis dicitur, aduen-  
titia quædam vis, quæ doctrina aut consuetudine,



& usu tantum sit comparata, sed est natura nota,  
& in ipsa creatione insculpta. Sunt enim homi-  
nes ad imaginem Dei conditi, cuius imaginis viva  
& incorrupta expressio est in lege.

X.

Quia execrabiles pronunciantur, qui non per-  
manent in omnibus, quæ scripta sunt in lege, Gal. 3.  
13. Et dilectio ex toto Corde, tota anima, & cun-  
ctis viribus requiritur, Deut. 6. 5. Sequitur perfe-  
ctam esse eam obedientiam, quæ in lege postulatur.

XI.

Leges Ceremoniales sunt præcepta à DEO  
tradita, de ritibus externis & sacris solennibus, di-  
uini cultus gratia, vel propter significationem, vel  
propter ordinem institutis.

XII.

Forenses ab eodem autore profectæ sunt,  
& disciplinam externam, in gubernatione politica,  
tuentur.

XIII.

Ac distant hæc duo genera legum, multis mo-  
dis, à legibus moralibus.

XIV.

Nam leges morales naturâ sunt notæ, ac  
omnes homines, absq; locorum & gentium discrimi-  
nine obligant, flagitantes obedientiam, & in hac  
vita, & in futura. Sunt generales, nec circumstan-  
tiarum ratione determinantur. Et aliarum le-  
gum fines sunt, ut cultus Dei principalis.

XV.

Reliquæ autem, Ceremoniales & forenses,  
non sunt naturâ insitæ hominum mentibus, sed pro  
diuersi-



diuersitate causarum & circumstantiarum præscribuntur. nullis nisi Iudæis impositæ fuerunt. vt cerro tempore sunt latæ, ita rursum abolitæ sunt. Typi & imagines sunt aliarum rerum. Seruiunt præceptis moralibus, & ipsis etiam, cum necesse est, cedunt.

#### XVI.

Quæ de discrimine legum dicimus, planiora fient in expositione vsus, quem singulæ præstant.

#### XVII.

Primum ergò expendemus, quid negotii cuique sit, cum lege morali, Deinde de reliquis speciebus monebimus.

#### XVIII.

Homines, quibus Decalogus prædicatur, vel sunt renati, vel à renouatione adhuc exclusi, pro qua discrepantia, alius est eius vsus in diuersis, alius communiter ad omnes relictus.

#### XIX.

Interim non est prorsus transeundum, qualis fuerit vsus legis, ante lapsum humani generis in peccatum, & qualis futurus sit, post restitutionem hominis in integrum. Etsi enim utrumq; à nostro sensu, quodam modò, abiunctum est, tamen prodest etiamnum considerare, quid sit amissum, quid expectetur. Et dum in hac contemplatione insistimus, duplex occurrit eius finis. Primus est integra hominis conformitas cum Deo, seu perfecta obedientia coram Deo, lucente in mente hominis perfecta Dei & voluntatis diuinæ cognitione, qua inclinationes & actiones omnes, ad ordinem diuinum, qui in lege consignatus est, diriguntur.



Secundus, bona intemerataque conscientia, & certa fiducia fruitioque beneuolentiæ diuinæ, cum suaui & iucunda animi, in Deo, sine petturbationum iniuria, oblectatione.

XX.

Cùm nosipfos consideramus, quales sumus in hac vita, occurrit singularis quædam legis utilitas, quæ communis est omnibus, & eò pertinet, ut recta sit gubernatio locomotiuæ, qua externa facta legi morali quadrent. Ac solet hic vsus politicus seu pædagogicus dici, quod frænet omnes, ne sublato ordine diuinitus sancito, dissipetur humani generis societas.

XXI.

Pertinet quidem hic vsus præcipuè ad eos, qui non sunt spiritu Dei renouati, & poenarum ac infamiæ metu potius mouentur, quam Dei amore, tamen in reliquis etiam locum habet.

XXII.

Nam vtut hi fræno Spiritus sancti retineantur, & spontè, quæ recta sunt, meditentur & obeant, propter infirmitatem tamen, qua ad peccandum pelliciuntur, opus habent eodem vinculo.

XXIII.

Atque de hoc vsu concionantur plurima scripturæ dicta. Gen. 9. 6. Qui effuderit sanguinem hominis, eius sanguis effundetur per hominem. Matth. 26. 52. Qui gladium acceperit, gladio peribit. Ezech. 18. 24. Cum auerterit se iustus à iustitia sua, & fecerit iniquitatem, morietur propter illam.

XXIV.

Secundus vsus appellatur internus, quod in inter-



internum hominem, seu animum hominis penetret,  
securitatem carnalem feriat, & peccati velum cor-  
ripiat.

### XXV.

Hinc Paulus. Per legem agnitio peccati,  
Rom. 3. 10. Lex subintrauit, vt peccatum fieret a-  
bundans peccatum, 5. 20. Priusquam lex veni-  
ret, peccatum in me erat mortuum: ubi autem ad-  
uenit mandatum, reuixit peccatum, 7. 8. Vt pec-  
catum, per mandatum, fieret supra modum peccans  
peccatum, 7. 19. Stimulus mortis peccatum, vis  
autem peccati lex, 1. Cor. 15. 56.

### XXVI.

Vt hic vsus magis se exereret, in Ecclesia,  
vbi noticia legis, per peccatum & crescentem ho-  
minum malitiam obscurata fuit, Deus, per Mosen,  
& patres ac prophetas, & tandem etiam per filium  
& Apostolos, repeti & declarari voluit, vt quæ  
esset natua eius sententia, planius intelligeretur.

### XXVII.

Et licet, extra Ecclesiam, nusquam propona-  
tur integrè vox legis, tamen hic eius vsus ad omnes  
pertinet, quia omnibus tantum de eius notitia in-  
ditum est, quantum satis est, ad incutiendum con-  
scientiis terrorem.

### XXVIII.

Vterq; ergo hic vsus diligenter obseruandus  
est, volentibus sibi viam ad Christum sterni, & re-  
ipsa sentire, quod lex sit pædagogus ad Christum.

### XXIX.

Hac de re passim commonefaciunt nos lite-  
ræ diuinitus inspiratæ. Psalm. 34. 19. vicinus est  
Iehoua fractis seu contritis corde. Iesa. 66. 2. Re-  
spiciam



spiciam ad pauperem & contritum spiritu, & trementem ad verba mea, 1. Ioh. 3. 8. Nemo vos decipiat, qui facit peccatum, ex diabolo est.

XXX.

Tertius usus spiritualis seu didacticus vocatur, ad hominem spirituale, hoc est, iustificatum fide & renatum per spiritum sanctum, pertinens. Huic enim lex, ut certa norma viuendi, & informatio ad veros Dei cultus, proponenda est.

XXXI.

Quia enim, etiam in his, reliqua est ignorantia, & dubitatio multiplex, & subinde existunt inclinationes voluntatis ad vitia, necessaria sunt legis adminicula, qua instruantur, ne vel, nullo praecunte veritatis lumine, errent, vel videntes quod rectum est, in transuersum agantur.

XXXII.

Ac de hoc usu, saepe occurrunt scripturae testimonia. Psalm. 49. 9. Lex tua in medio viscerum meorum est. Et 119. 105. Lucerna pedibus meis verbum tuum, Domine, & lumen semitis meis. Ierem. 31. 33. Dabo legem meam in medio eorum, & in medio eorum describam eam. Ezech. 20. 19. In praeceptis meis ambulate.

XXXIII.

Ita pure & incorrupte sonans vox legis, haud obscurum testimonium est de populo Dei, quis ille sit, & quae vera religio in mundo.

XXXIV.

Hinc etiam videmus, tanquam in tersissimo speculo, quanta fuerit nostra excellentia ante lapsum, quantumque eximium sit illud bonum, quod speramus, per Christum, in vita aeterna, cum veterem nostram



nostram] dignitatem recuperabimus. Nam viua  
Dei imago, ad quam initio conditi sumus, & quæ  
nobis, per Christum, restituitur, in lege refulget,  
quam quò clariùs quisq; exprimit, eò propius ad  
Deum accedit, & ipsum plenius refert.

XXXV.

Habuere etiam leges Ceremoniales & foren-  
ses suas vtilitates, apud Iudæos, & eos, de magnis  
rebus, commonefecerunt.

XXXVI.

Exhibuerunt typum & significationem re-  
rum, quæ spirituale & cœleste Christi regnum con-  
cernunt, & quæ essent Christi, in suam Ecclesiam,  
beneficia, quod fidelium, erga eum, officium ad-  
umbrarunt.

XXXVII.

Neq; ideo tamen inuoluenda sunt à nobis o-  
mnia Allegoriis. Nam quod fidei & dilectioni  
analogum non est, explodi debet, & pro certis ac  
indubitatis Allegoriis, ex quibus dogmata pro-  
bentur, illæ solæ habendæ sunt, quæ ex scriptura  
probari possunt, quæ autem in scriptura, in specie,  
non sunt declarata, de iis, in generali significatio-  
ne, subsistendum est.

XXXVIII.

Notæ erant & signa, quibus populus DEI,  
ab omnibus aliis gentibus & nationibus, discerne-  
batur. Nam oportuit verum Deum, & veram  
religionem, ab idolis & hominum commentis se-  
iungi, & conspicuum, in terris, esse locum, qui se-  
des esset Ecclesiæ, vt ex euidentibus indiciis agno-  
sci posset, & iuari ab eis, qui se ei associare vellent  
vt Deut. 4. dicitur, Custodite ergo & facite, quia

B

hæc



hæc est sapientia vestra & intelligentia, in oculis  
populorum, qui audient omnia statuta ista, & di-  
cent, utiq; populus sapiens & intelligens est gens  
magna ista. Quæ enim est gens ita magna, cuius  
sunt statuta iusta, sicut est vniuersa lex ista, quam  
ego præcipio vobis hodie.

### XXXIX.

Ac quanta esset, hæc etiam in parte, à gen-  
tibus separatio, apparet ex dissimilitudine, quæ  
occurrit in sacrificiis, (vt hæc exempli causa no-  
minemus) in quibus gentes etiam se crebro exer-  
cuerunt. Hæ enim non vni DEO, sed in fini-  
tis, non solum bruta animalia, sed & homines,  
nec loco, à DEO, constituto, nec tempore defi-  
nito, nec modo debito, nec per sacerdotes diuini-  
tùs vocatos, nec in finem quem Deus præstituerat,  
sacrificabant.

### XL.

Seruiebant eadem leges executioni ac obe-  
dientiæ præceptorum moralium. Nam ut ordo  
aliquis in Ecclesia & politia seruari posset, necessa-  
rio erat aliqua determinatio addenda, ad genera-  
les sanctiones, & in circumstantiis limitatio facien-  
da, quid in ceremoniis, quid in iudiciis fieri debe-  
ret. vt enim morale est, vt sit publica inuocatio &  
celebratio Dei, ita etiam morale est, vt sint certæ  
leges iudiciorum, contractuum, poenarum. In  
his ergò quid fieri vellet, sua voce exposuit in ve-  
teri testamento Dominus, in nouo liberum reliquit,  
vt pro ratione circumstantiarum constitutiones,  
huic ordini conseruando maximè accommodatæ,  
conderentur. Ita tamen debent omnia fieri, vt

Cere-



Ceremoniarum primarum tabulae, leges forenses secundae  
sunt appendix, & rectius praestanda adminiculum.

XL I.

Quam paratus esset aliquis, ad praestandam  
Deo imperatam obedientiam, inde etiam intellige-  
batur. Nam qui in iis, quae difficilia sunt, one-  
rosa & molesta, se studiose & libenter exercet,  
quia scit DEVM ita velle, & ea de re extare eius  
mandatum, is verè se diligere Deum, eiq; propenso  
& alacri animo parere ostendit.

XL II.

Et ut Ceremoniales leges ad conservandum  
ministerium verbi publicum, cuius, omnibus tem-  
poribus, eximiam esse reuerentiam, Deus voluit,  
pertinebant: ita forenses, quandoquidem erant,  
ipsa politicae Mosaicae forma, conservationi politicae  
& regni seruiebant.

XL III.

Cum tanta sit utilitas legis à Mose latae, mi-  
rum videri potest, quod abrogata nunc esse dica-  
tur. Quare, quomodo illud intelligendum sit,  
modò exponemus.

XL IV.

Neque enim de omnibus partibus legis, eo-  
dem modo accipienda est illa abrogatio. Nam  
aliae simpliciter, aliae certa tantum ratione & mo-  
do sunt abolitae.

XL V.

De lege morali ita sentiendum est, quod non  
simpliciter, sed secundum quid, abrogata esse dica-  
tur. Ac quod ad maledictionem, quam denunci-  
at, & rigorem attinet, piis nihil incommodi affert.

B. 2

Neq;



Neq; enim hi ob defectum, quem in se sentiunt, exhorrescere & animo trepidare debent, quasi sint abiecti à DEO. Nam propter meritum & satisfactionem filii absoluuntur, ex gratuita Dei bonitate & clementia, condonato defectu.

#### XLVI.

Ita enim ipsa scriptura discernit, inter obligationem quam lex indicit, vt affirmet eam, quod ad poenam esse abolitam, quod ad obedientiam verò, manere, vt instet & studium nostrum vrgeat & acuat.

#### XLVII.

Testimonia plura sunt, sed valde insigne est quod legitur 1. Timoth. 1. 8. Scimus ( inquit ) bonam esse legem, si quis ea legitime vtatur, cum hoc exploratum sit, legem iusto positam non esse, sed legis contemtoribus, & iis, qui subiici nolunt. Quid clarius dici potest, quam legem iusto positam non esse, vt voce legis damnetur: sed ita positam esse, vteam semper respiciat iustus, tanquam consiliorum & actionum regulam, & ei conformari studeat, ac inchoationem quandam habeat non rudem, nec exiguam, eius iustitiæ, cuius perfectionem in altera vita assequetur.

#### XLVIII.

Alienum est dicere, nos ab obedientia legis eximi, cum propterea liberemur à peccati onere, & à Deo in gratiam recipiamur, vt studiosi simus bonorum operum, & per legis institutionem, eam vitam, quæ sancta sit & immaculata, ingrediamur.

#### XLIX.

Nec obscurum est, iniquè grauari hanc doctrinam, si eo nomine culpetur, quasi ii simus, qui  
vitæ



vitæ cursum piè iusteq; instituendum esse negemus,  
& putemus fas esse, sacrosanctum Dei nomen sce-  
leribus impunè violare.

L.

Neq; enim peccatorum similis est Deus, qui  
transgressionem legis à se latæ probet, & malefici-  
is delectetur, sicut perspicua sunt hæc testimonia.  
Psal. 5. 5. Non volens Deus iniquitatum tu es, Et  
50. 21. Putasti me similem tui esse, arguam te.

L I.

Et quia à mente humana, in hac naturæ cor-  
ruptione, & depravatione morum, ob quam non-  
nunquam ea quæ vitiosa sunt, propterea quòd lon-  
ga consuetudine sint confirmata, pro lege naturæ  
recipiuntur, comprehendi legis diuinæ vera agnitio  
satis non potest, nec ita obiri, vt externa actio ex  
puro fonte prodeat, quemadmodum neq; oculus  
solem, siue luce solis, intueri valet, agenda sunt  
Deo gratiæ, pro legis promulgatione, veraq; in di-  
uinis libris declaratione, & ad nostrum vsum con-  
ferendum est tantum beneficium.

L II.

Atq; ideò ea opera à nobis danda est, vt per  
hanc viam saltem ambulemus, si currere non pos-  
sumus, cogitantes eum, qui insitus est Christo, ini-  
tium sanctificationis habere, & esse in via consti-  
tutum ducente ad vitam.

L III.

Quod autem fideles, qui reconciliati sunt  
cum Deo, id præstare teneantur, vt secundum vo-  
luntatem & legem Dei viuant, duæ potissimum ra-  
tiones ostendunt. Prima, quia præter genera-

B 3

lia.



lia creationis & sustentationis beneficia, etiam  
spiritualia adepti sunt. Secunda, quia finis in-  
carnationis filii Dei, & nostræ per eam redemptio-  
nis, est, ut à peccato liberati, à maledictione legis  
exempti, & in gratiam DEI restituti, conformitati  
cum DEO studeamus, & templum eius sanctum  
semper maneamus.

#### LIV.

Quod verò non sustulerit Christus obligati-  
onem ad obedientiam, id præterea conuincit, quod  
ipse confitetur se non venisse, ut solueret legem, sed  
ut legem adimpleret.

#### LV.

Impleuit autem legem Dominus, non solum  
in se, vel quia eam obedientiam, quam lex efflagi-  
rat, integrè pureq; præstitit, vel quia poenam no-  
stris peccatis debitam in se transtulit, plenamque  
exhibuit satisfactionem: sed etiam, quia eam ab  
erroribus & corruptelis repurgauit, vera eius in-  
telligentia restituta. Et ne inanis sit sonitus  
illa promulgatio, suo spiritu eam in nobis inchoat,  
ut imago illa Dei, in qua initio sumus conditi, pau-  
latim in nobis innouetur, donec tandem in altera  
vita integra fiat & consummata.

#### LVI.

Certum ergò est, non parum erroris esse, in  
eorum dogmate, qui à schola Dei, qui paruulis &  
mansuetis fidus est doctor, depulsi, & vagis suis  
speculationibus sursum & deorsum raptati, legem  
Dei ex Ecclesia eiiciunt.

#### LVII.

Sed ne videantur sine ratione agere, scriptu-  
ram



ram proponunt, & ex ea arma, quibus pugnent, mutuantur. Crebrò hæc in ore habent. Non estis sub lege, sed sub gratia, Rom. 6. 14. Item, Iusto lex non est posita, 1. Tim. 1. 9. At idem Apostolus affirmat, nos debitores esse non carni, ut secundum carnem viamus, Rom. 8. 12.

#### L VIII.

Addunt. Lex per Moysen data est, gratia & veritas per Iesum Christum, Ioh. 1. 17. At idem Dominus legem citat & interpretatur. Apostoli etiam fulmina legis vibrant in suis scriptis. Legem, inquit Paulus, inanem reddimus per fidem. Absit. Imò legem stabilimus, Rom. 3. 31. Et Iohannes. Nouam doctrinam non trado vobis, sed doctrinam veterem, quam videlicet habuistis iam inde à principio, 1. Ioh. 2. 7. Vbi autem sufficit gratia, non fit obligatio ad obedientiam, & ideo idem spiritus sanctus apud Apostolum inquit, qui mortuus est, liber est à peccato, Rom. 6. 7. Item, ita etiam vos colligite, nempe vos ipsos tum mortuos esse peccato, tum vnà viuere Deo, per Iesum Christum Dominum nostrum.

#### L IX.

Afferunt item illud. In ipso sunt omnes thesauri sapientiæ & scientiæ repositi, Col. 2. 3. Iam ante ostensum est, ad doctrinam Christi, pertinere etiam legem, vt alteram eius partem.

#### L X.

Vera & vsitata est responsio, de lege Cereimoniali & forensi, quòd ea abrogata sit, quoad obedientiam, nec habeat vim obligandi, exhibito Christo, & abolita politia iudaica.

Ac



## LXI.

Ac clara sunt scripturæ testimonia, quæ docent leges Ceremoniales & forenses, post oblatum in cruce Christum, non habere rationem legum, nec quenquam obligare amplius ad obedientiam. Id ostendit, quod notum satis est, Hebr. 7. 11. Si consummatio per Leuiticum sacerdotium erat, quid necesse erat, alium exoriri sacerdotem, secundum ordinem Melchisedech? Ac sunt alia testimonia passim.

## LXII.

Nec obscura est mutationis huius causa, ex ipso legislatoris consilio, quo ad eas ferendas adductus est. Voluit gentem Israëliticam à reliquis populis, usq; ad promissi Messiae aduentum, distinctam esse, ex diuersa Ceremoniarum & politiae forma. Post exhibitum Messiam, tollendum erat illud discrimen, & omnes gentes in vnitatem Ecclesiae colligendae, vt docet Apost. Eph. 2.

## LXIII.

Ac solent fines, cur politia Mosaica esset constituta, hoc modo recenseri. 1. Vt illa politia esset officina patefactionum diuinarum, & certus locus, in quo Deus, edito verbo, & additis ingentibus miraculis, sese patefaceret, & de doctrina sua testimonium perhiberet. 2. Vt esset Academia seu schola, & certa sedes doctrinae, in qua omnes homines possent audire & discere doctrinam à Deo traditam. 3. Vt esset bibliotheca in qua asseruarentur libri Prophetici, & natia interpretatio scripturae purè, & sine corruptela, sonaret. 4. Vt esset certa stirps, ex qua nasceretur Christus &



& locus ubi doceret, ederet miracula, offerret se pro salute hominum, & resuscitatus se vivum representaret.

#### LXIV.

Quod si Typi illi, imagines & figuræ, quæ promissiones erant de expectato redemptore, & digitum intendebant in stirpem & locum natiuitatis eius, adhuc vigerent, & versarentur ob oculos, satis confirmari animi nostri non possent, quin opinioniones Iudæorum reciperent, qui Messiam adhuc expectant, & exhibitum negant.

#### LXV.

Sunt quidem non pauca dicta scripturæ, quæ Iudæi pro sua sententia citant, & ea maximè urgent, quæ regno & Ceremoniis perpetuitatem tribuunt. vt Gen. 17. 13. de circumcissione. Exod. 12. 17. de Paschate. Exod. 31. 16. de Sabbato. Leuitic. 24. 3. & Num. 18. 8. de oblationibus. Et 2. Sam. 7. 13. de domo Davidis. Sed non fascinatæ falsa opinione, aut contumaciter defendentibus errores, facilis responsio est. Dictio עולם quæ istis locis vsurpatur, non semper significat absolutam perpetuitatem, sed tempus limitatum aliquando, & cum certa conditione terminabile. Et quomodo sumi debeat significatio, & iis quæ adiiciuntur, intelligi potest. Ita Exod. 22. 6. Deut. 15. 17. & alibi, accipitur pro circumplexu durationis vitæ humanæ. At Genes. 21. 33. Psalm. 145. 13. Iesa. 40. 28. quia de Deo & eius filio accipitur, pro æternitate infinita vsurpatur.

#### LXVI.

Quod ex octo postremis capitibus Ezechiel.

C

obiici-



obſcūritur, de deſcriptione noui templi, vrbiſ, regni  
& ſortionis terræ, tempore Meſſiæ implendæ, ex  
conſuetudine ſcripturæ, qua vtitur in phraſibus &  
ſermone, de regno CHRISTI, expediri, ſine  
magna difficultate, poteſt. Nam cum de reditu  
ex Babylone, qui ſpiritualis liberationis imago fu-  
it, agit, vnà complectitur promiſſionem de miſſio-  
ne Meſſiæ, nec principia tantum regni eiꝯ, id eſt,  
collectionem Eccleſiæ noui teſtamenti attingit,  
ſed & eiꝯ conſummationem, hoc eſt, glorificatio-  
nem, beatitudinem, immortalitatem, & vitam cœ-  
leſtem vnà comprehendit.

#### LXVII.

Quod pro forma Reipublicæ, quæ erat apud  
Iudæos conſtituta, retinenda affertur, non poſſe  
meliorem aut iuſtiorẽ reipublicæ conſtitutionem  
eſſe, quam quæ à Deo ipſo eſt præſcripta, ita ad-  
mitti debet, vt quomodo illam conſtitutionem,  
& quam diu ſeruari voluerit, conſideremus. Ne-  
que enim aliis populis quam Iudæis eam præſcri-  
pſit, nec ideo præſcripſit vt ſemper duraret.

#### LXVIII.

Nam vt illa Ceremoniarum exercitatio ad  
pietatis quidem doctrinam propriè pertinebat,  
(vtpote quæ Iudæorum Eccleſiam retinebat in  
Dei cultu & religione) ab ipſa tamen pietate di-  
ſtingui poterat: Ita hæc iudiciorum forma, (quam  
quam aliò non ſpectabat, quam vt in ſuo vigore,  
eſſet & optimè ſeruaretur ipſa charitas, quæ æter-  
na Dei lege præcipitur,) ab ipſo tamen dilectionis  
præcepto diſtinctum quiddam habebat.

#### LIX.

Quemadmodum ergò, ſalua & incolumi pie-  
tate,



10  
tate, ceremoniæ, quarum tanta erat varietas, tam-  
que multiplex copia, abrogari potuerunt: ita &  
iudiciariis his constitutionibus sublatis, perpetua  
caritatis officia & præcepta manere potuere.

LXX.

Neq; tamen ita sublatae sunt leges forenses  
Mosis, vt non liceat magistratui, si commodum  
videtur, inde aliquid mutuari, sicut etiam ex alia-  
rum Rerumpub. legibus, modò non ideò recipian-  
tur, quasi aliqua necessitas subfit, & propterea vr-  
geantur, quia per Mosen præceptum sit hoc popu-  
lo Iudaico.

LXXI.

Ac si quis conferre leges vel constitutiones  
Imperatorum, Regum, Principum, Magistratum,  
Christianorum ex codice, lib. Digest. seu Pandect.  
Nouel. constit. opere, aut aliis, apud varias gen-  
tes, legum bonarum libris, cum hisce iudicialibus  
Dei legibus, fateatur oportet magnam esse in mul-  
tis similitudinem & conuenientiam.

Atq; hæc, hoc tempore, à nobis allata sint,  
patefaciendi aditus gratia ad planiorem Decalogi  
intelligentiam.





Handwritten text, possibly a signature or date, in dark ink.



